

重刻思菴先生文粹序

吳



惟我思菴吳公我



朝之純臣我鄉之先正我母氏太孺
人之曾祖父也其德純故其文從之
學者名其集曰文粹蓋言純也集凡
十有一卷歲久漫漶不可屬讀迄今
刻板靡有存者矣後人考公之學行

而徵諸所為文則集豈可少哉嗚呼
公之學何學也將以發揮理性羽翼
遺經上企魯齋文正公之傳心潛力
詣辨拆考證為功亦勤矣其著書凡
數種避作者之名而不居以為文也
者所以述其學也與其文也寧質質
則近道而無文喪之弊故公之文如

大羹玄酒薦之宗器而至味獨存其
視粉藻雕刻徒炫人之觀誦姜蕭不
揚者蓋素所不屑也然則讀公之詩
文而其學之正行已之端亦可見矣
公生

啓運之初雅道既還大音斯振一時
宗工以著作名者彬彬焉而公之學

與文要不為空言者當時文章鉅公
如少師東里楊公翰撰止菴張公檢
討怡菴陳公特深知契東里謂公為
執公稱止菴為兄行楊公得公所
為梅雪林高士之銘而賞之謂世無
此作公奚以取之取其詞義之正也
今公文詞日趨于盛矣若以崇雅
黜浮而本之道術則於公之文乃世
道所係其簡也所該實廣其質也所
師實古公以賢良被薦官六察總留
臺網維振舉風采凜然既請老致仕
其望尊其譽顯行事政績載在

國史

金匱石室之藏學者不可得而見也

所可見者惟文焉耳賢也被公之家
教不遠茲文也竊有志焉而未之逮
也守延政暇爰取斯集校審斥俸再
梓之匪直以寄子姓願學之私將使
天下後世得以覩純世之文而知我
明正學之有人云

嘉靖戊申春三月穀旦

賜進士第中憲大夫延平府知府海
虞後學范來賢頓首拜撰



刻思菴先生文粹序

吳思菴先生集凡十一卷乃其孫淳
所編葺者刻板藏于家廟近年為好
事者假搨而忘歸遂亡逸過半僅存
者亦朽腐不可印搨予乃校正訛謬
命工重刻以成遂序而付其曾孫堂
俾藏焉而勿褻且慢焉庶將來文獻

有足徵考先生世為常熟望族少孤
貧說志力學以醫業遊

京師楊文貞公遇而薦之初為御史
後為都御史竭忠勵節冰蘄自持扶
植紀綱表率庶府真所謂臺省老成
中外具瞻者也其平生性度純雅輝
光宣著至於叢言為詩抄言為文連
篇累牘莫不根據道理關係名教無
一點以雪月露之態讀是集者豈徒
可以言誇文字視之哉

本朝文章自方正學而下則先生與
薛文清而已予以晚進來知先生鄉
邑景仰盛德恨不俱生托名集端如
蠅附驥

賜同進士出身知直隸蘇州府常熟
縣事寧波揚子器序

愚菴先生文粹卷之一

詩

孫監察御史淳編
後學范來賢重刻

海虞雜詠

常熟為蘇屬邑舊名海虞又曰南沙邑城在
郡治北百里舊志所載古跡歲遠多就湮沒
予為邑人每於經行瞻眺之際未嘗不徘徊
而增慨也暇日遂采其跡之存著者各賦小
詩以紀其實云

仲雍古墓 在虞山上

虞仲隨伯氏讓國來荆蠻放言求自廢泯迹終忘還
端委治勾吳子孫列雄藩配食至德廟壞陵寄空山
樵牧久莫禁爰瞻發長歎

子游遺址 在邑城北子游巷旁有文學橋

勾吳昔要荒俗鄙人不文叔氏豪傑士北學遊聖門
身通列四科文學冠同倫井湮宅已荒橋巷名猶存
至今里中子千載沾遺芬

齊女孤墳 吳越春秋云女死求葬虞山北望齊國

齊景不自強涕出女於吳迢迢三千里百兩來姑蘇
死葬虞山顛北望父母都芳魂逐飄風艷骨歸黃壚
空餘一荒坵月夜嗥饑狐

張尉舊祠 在縣學泮橋西

張顛尉南沙清狂隘當世三杯草聖傳筆走龍蛇勢
散髮醉濡墨揮洒誇神異至今媚學子千載仰雄製
儒官葺祀餘餘瀝尚沾祀

昭明書臺 在虞山西麓

蕭統梁帝子建國居江東何年築層臺讀書此山中
崇址俯重巖傑構凌危峯歲久人去遠白雲掩遺封
惟存文選編名世流無窮

仙翁丹井

在致道觀按志浚井得石合啓之丹化雙鶴入尚湖內

九轉煉神丹丹成諒非易玉匣深井中藏之有深意
彼哉何人斯盜惑玄命祕鶴飛尚湖中煜煜神光紅
茫茫杳難稽漫吟紀竒蹤

虞山秀色

按志虞仲葬是山故曰虞山

山名自虞仲邑城據其東根盤二十里夭矯如游龍
南峰瞰重湖湖影涵空濛北嶺氣盤礴深窈多竒蹤
何當脫塵羈滅景居山中

鏌城故跡

在城南十里按志吳鏌鄒鑄劍處旁有鏌鄒廟

吳人鑄劍處荒城俯湖濱殘鏤百鍊餘城畔今猶存

龜文與縵理騰光動蒼旻劍可敵一人焉能建竒勲
咄哉彼何愚劍成終殺身

七絃琴水

在邑城南

虞城枕山麓七水流如絃昔人肇嘉名千古稱琴川
猗予少年日讀書住川邊每得琴中趣不假絲桐傳
此意常自知嘿嘿無與言

七星古檜

在致道觀梁天監中種

仙壇有古檜森列同七星云是梁時種古怪如龍形
凍蘚護朽骨新枝復青青造化呈竒觀拱衛煩山靈
誰哉若此樹閱世踰千齡

晴巖拂水 在虞山西嶺旁有拂水禪院

懸崖瀉飛瀑奔流不復歸南風忽吹起散若珠簾飛
寒光眩吟昨晴雨沾人衣登臨一延佇繭足暫忘疲
時來坐巖石獨有招提客

破山廢刹 在虞山北嶺按志龍闈衝破崖石寺有唐常少府題詩

老龍逞餘怒奮觸蒼崖裂崖邊古佛祠年深亦銷歇
陰房燐火青曲竇泉聲咽客游縱竒討摩挲看遺碣
朗吟常建詩清風滿林樾

寓感

一日復一日一年復一年流光去不返髮白難再玄

所以古哲人朝夕常乾乾分陰惜如寶三年不窺園
學成蘊諸已左右逢其原踟躕少俊姿耳目聰明全
去日已莫追來日當勉旃勉旃在及時無為終棄捐

其二

與子言盡孝與臣言盡忠文辭苟悖理靡靡徒施功
不見九經文言簡理自克後來辭勝理篆刻同雕蟲
文起八代衰千載昌黎翁歐陽後挺生亦足追雄風
有志學修辭珍重慎所宗無徒尚諛巧譁世欺愚蒙

其三

六經皆心學體用同一源明體以適用聖道非空言

漢唐諸大儒訓詁專門傳後來程朱出義理咸昭宣
云何世教微十哲爭使僮摘題記程文傳註俱茫然
入場偶中的得魚遂忘筌身世兩無補擾擾誰開先

其四

宣聖生東魯刪述垂萬世顏曾得親傳思與後相繼
彬彬七十子身通全六藝後曹秦火餘六經遂殘廢
兩漢迄晉唐群儒日脩綴迨宋九儒興理學始明備
陵夷至湖元華夷混涇渭魯齋起覃懷衛道功非細
至今素王祠濟濟列從祀寂寥百年餘高風竟誰嗣

其五

為雲未騰空安能雨八荒為士未際時豈能勝庸常
所以魯中叟削迹圍于匡後來鄒孟氏毀廟遭臧倉
聖賢安所遇外物何低昂侃侃賈長沙憂世心惶惶
上書論治安年少才何長一斥遽憂死千載徒悲傷

其六

朱梁篡唐室海寓成瓜分中國久無主契丹據燕雲
建隆宋祚開四海咸歸仁宣靖運中否姦諛蔽重宸
女貞肆陸梁汴都遂沉淪高宗紹大統避狄浙江濱
淮楚閩蜀廣萬里撫遺民兩都三百年傳承各九君
胡元作三史正統久莫伸重脩在盛時永永中華尊

其七

陳橋開宗祚周孤棄如遺范相急催班新朝慶龍飛
舉朝獨韓通孤忠蓋當時德祐國復失文山出持危
力屈終不降得死歡如歸壯哉昔人語豹死猶留皮
名留天壤間千古何終期

其八

聖主重祭祀報本非求福上下有常制秩秩豈容瀆
世降及開元紛紛尚祠祝王與荆紙錢傳流遂成俗
至今吳楚地淫祠遍鄉曲仰止狄梁公誰能繼遐躅

其九

樂生戰國豪隨世成功名作書數百言縷縷陳哀情
書言君子交交絕無惡聲聖門羞五霸彼哉何足稱
不以人廢言斯言宜服膺

其十

童蒙貴養正施教須及時晦翁編小學經傳蒐無遺
品式既開陳法戒尤昭垂云何百年後纂解多差池
邇來通義成評訛更支離興言集衆解四書有遺規
洪武中黃帝編通義

其十一

喪親重哀戚貴富無違禮云何去古遠鄉俗日頽靡

親存遠色養親沒逞豪侈笙歌雜綺筵迎樞遊街里
主賓互勸酬衰麻空被體長民莫知教父老視為喜
曰予切感傷因書誡諸子

其十二

莊生嗤腐鼠肯顧蠅頭利列子御冷風浮名復何計
後來狂馳子清談隘人世傲睨輕賤貧諂媚權貴
是事以矣然令人發深愾

讀書有感

偃本臨淄民獻書拜天闕一年官四遷炙手手可熱
寵深不知報騰口肆攻訐貪淫終莫止惡積身自滅
一跌族遂赤萬衆盡欣悅天理不可欺後當監前轍

其二

齊奴事豪奪不義以至富驕矜傲時流手碎珊瑚樹
錦障五十里金帛等塵土真珠買小妾窮奢樂歌舞
一朝東市誅瀕死悔已暮天道惡滿盈後來當警悟

其三

杜鵑叫天津南人入秉鈞京黼召裔夷作俑繇斯人
其四

彌遠擅廢立合入姦臣傳大義苟不明何以示懲勸
其五

潛溪文中雄制行亦端直好奇崇異端令人致深情
過釣臺

道經嚴郡過子陵釣臺有感賦此

建武中興羅俊傑故人白首獨辭歸力開名節扶炎
祚千古清風滿釣磯

范侯昔日記祠堂江水雲山共久長老我來遊嗟獨
晚淒涼無地奠椒漿

祠毀基荒積歲年釣臺空記客星懸古今節義人同
慕起廢還應望後賢

謝翱文相軍門客善哭當年最可悲死葬臺邊經百
載草荒孤塚有誰知

姑蘇懷古

百雉高城逸碧流中吳風景冠南州鐘聲遠近前朝
寺帆影參差估客舟遺廟于今祠至德義由無復繼
前修客遊何事思歸切楓落江空雲正愁

題秋塘群鷺圖

素商應圓運輕颺洒闌暑悠悠清溪流鮮鮮白鷺羽
薰葭掩沙汀菰蒲被烟渚宿食順其安飛鳴隨所處
豈無凌風翰依郡暫延佇羽儀期共珎脩潔諒誰侶
微茫浣花莊隱約輞川野靜觀領深意自得復何語

和張以平韻

身際昇平樂自如石田流水遶茅廬官租輸足無餘
事閒課兒童理故書

和陳大理以道中秋紀行時判吾邑薄

轉輸兵食值中秋滿目金波夜泛舟對景自嗟空覓
句懷人還憶共登樓連營戍柝嚴傳警隔岸征夫獨
飯牛月轉城西悲角起不勝清怨到船頭

又和呂梁洪

呂梁之水天下險八月秋高勢愈洪逆浪橫舟如搏
戰旁流奔壑似爭雄聲搖坤軸千崖吼怒扼河源衆
水宗堤上征夫久行役臨流無力歎龍鍾

題松林雙鶴

連步松林晚更幽清高寧有稻梁謀會看奮翼衝霄
起萬里剛風樂遠遊

送龔玄之

天邊歸卧纔三載又捧徵書起海濱藥圃重沾鍾阜
兩杏林還暎治城春吟囊客裏添新句薦剡朝端有
故人此去保和承雨露定應超擢侍 楓宸

和韓公望林剛伯遊虞山韻

秋山窮遠眺萬室起坎烟地曠連滄海城荒異昔年

籃輿尋隱逸野服寄林泉愧我材無似棲遲郭下田
送以平奉召寫誥

江梅舒玉漏春光之子承宣入 帝鄉金匱稽勲題
誥勅黃麻揮墨煥文章饌分內署恩榮渥酒錫宮壺
雨露香從此進身居近密鳳池簪筆侍 君王

寄以平

故人為客久何日賦歸田此去無千里相違已一年
晨鍾孤夢後夜雨短檠前無限相思意音書難盡傳

遊虞山

丙戌三月七日携友遊虞山凌絕頂入拂水

禪院忽風雨驟至因留宿山中偶誦唐常少
府遊破山寺詩遂借韻紀一時之趣云

乘閒遊寶地一逕入松林古殿雲烟滿陰廊歲月深
聯床聽夜雨高論悅禪心寂寂天將曙鍾聲雜梵音
雨晴回至彼山寺故址再韻以賦

禪宮銷歇久無復覩叢林流水千年碧殘山萬壘深
哦詩尋舊跡吊古動愁心常建今何在誰能嗣雅音
和以穎教諭賦明德

皎皎靈臺方寸地本明之體得於天箇中若也無纖
翳四顧八荒皆洞然

予家虞山下有田邊傍湖水丙戌芒種前一日
率家力耕作目覩飢民艱苦因成小詩直述其
狀庶觀風者有聞而加惻也然言辭深愧不文
噫予言豈得而文哉

澤國三年被水荒望中民物甚堪傷草房破漏難禁
兩菜色萎黃久絕糧旋取青茭煨土竈共分水符塞
饑腸繡衣使者當垂惻早體 皇心為發倉

六月聞飢民闕糧喜而次韻

南國農民困水荒九重憂惻視如傷省耕遣使躬巡
野計口開倉盡給糧從此田疇能盡力于今老穉獲

克賜願言歲晚成豐稔共運官租入太倉

題虞山丹房圖和周仲方韻

虞山高拔幾千尺屹立巍巍倚空碧中有山人彌中
陽燒丹避世全形蹟晴空煜煜丹光浮丹房正對西
湖頭平波浩浩涵倒影窮岩拂拂飛晴流尋真每入
雲深去聯絡烟蘿繞瓊樹丹砂石髓藏深崖瑤草琪
花滿幽路天梯隱隱重復重危梁駕水如長虹松扉
敲月訪仙友禪房啜茗談真空時平歸隱人孰擬佩
玉相過動閭里冥觀萬化同虛空放浪形骸等雲水
竒哉景物幽更妍清詞妙畫人間傳流傳至今經幾

載披圖滿目空雲煙君不見蓬壺渺渺稱神仙古今
馳慕求長年陰陽妙合聚復散海波昔日多桑田中
陽一去不復返星移物換俱茫然獨存長松覆荒井
至今夜夜聞啼鵲

挽林範軒

脫屣煩埃赴閨風摠衣無復咲談同塵凝曉榻雲窓
掩月滿秋堂蕙帳空色里談經思伏勝河汾講道憶
王通傳家喜有清朝勅奕葉詩書世澤隆

題印制置遺墨卷

宋至咸淳事已非南冠無柰北風吹印家喜有賢孫
子遺墨猶藏永孝思

荅以平寄韻

或傳予日誦佛書寄詩見朝就韻
以荅張詩附後

薄俗於人易毀譽聽言當揆理何如草廬自信今猶
昔肯讀人間非聖書

張詩元韻

高談雄辨衆稱譽自揆昌黎也不如何事壯懷今日
盡焚香惟讀佛前書

和魯質寄韻

稻熟湖田喜遇晴家家樂飲慶秋成太平官府差科
少盡夜月明無火聲

題蘭花

巖迥香風遠林融葉露新不隨蕭艾化應待獨醒人
題金文鼎清風樓

清風樓中馮萬竹清氣逼人風滿樓看之不減文與
可愛此何殊王子猷雲來兩壁陰颯颯月出西座寒
颼颼憑高縱覽竒興發題詩千載同悠悠

又和以平寄韻

獨守衡門樂養恬素懷無復嗜穠纖耽詩嬾向人前
寫愛酒多從醉後添紫茗初嘗雷未動黃精旋斲土
猶黏太平時節終吾老願比前賢蔗境甜

送周亮婦吳省母

母病留鄉邑翁衰客帝京一身難盡孝兩地若為情
暫喜歸期近那堪別恨生清時當出仕迎養及親榮
訥曩在南宮獲歸田里永樂丙辰冬復以儒醫
取至蒙送太醫院教醫門子弟自揆庸愚且非
世業惟切兢懼因成鄙句錄似御醫趙先生并
示讀書子弟俾篤志學問以無負恩遇云

醫道淵源出聖神內經傳遠浸失真衍文錯簡傳會
衆魯魚亥豕尤紛綸越人著難八十一長沙方論後
復出叔和脉經宗長沙三書歲久亦殘失後來傳襲

分諸科舊方新病多差訛河間戴人繼絕學易老東垣功更多聖經賢傳不一足講論陰陽資化育微言欲義理趣深自非儒者焉能讀彼扒俗醫不讀書記方試病欺庸愚

吾皇仁聖憫當世此心上與炎黃俱特令選取醫家子召入內庭親點視擇師教讀先儒書要使通書知奧義嗟予家世本儒生悞膺保薦來神京茲焉承命俾典教凜然朝夕心如醒諸生遭遇超今古造就恩深同父母願言勤學蚤有成磬竭忠丹報明主

聞生孫

葉生走來報吾家添得孫三世今眼見先人舊德存富貴不敢望聰明何足言但願淳且魯長大保家門

寄錢靜學

人生紛所好至樂惟讀書所以古賢豪好學常勤渠秋林挾冊觀春郊帶經鋤孜孜競分陰矻矻勤三餘學成有諸已用舍隨何如籬金多聚散學殖何盈虧開卷須有益絕勝博簞娛題詩寄惓惓勿謂予言迂

題陳母慈節堂為陳惟學賦

為母能盡慈為婦能盡節慈能長孤遺節能保貞潔惟昔藁砧喪生孩甫期月慈愛躬撫養節操凜冰雪

宵燈響寒機雪窓教書冊兒長父有後兒孝母心悅
顧瞻庭樹烏返哺口流血罔極恩難酬華扁高堂揭
托名文字間千古應不滅

聞兒病

書到忽聞兒子病書中只說病無妨却疑字畫非兒
手展轉無眠覺夜長

送盛啟東復任

承恩出帝鄉客路過雲陽店月雞聲早山風藥籠香
官閑歸本郡親老在高堂綵服躬調膳春庭日漸長
庚子歲 車駕在北京六月望日忽使者馳驛

來召遂詣文華門拜辭乘驛舟以往

天使持書遠見徵匆匆即日遂登程龍河驛畔揚帆
去回首江山無恨情

七月三日早入覲

紫陌鷄鳴夜未闌鴻臚特引覲

天顏恩波浩蕩應如海日許趨朝侍宴闌

分題垂綸長川送人歸吳劉原博求

數罟不入池盆水活噍喁推仁及微彙生意漸流通
所以古哲人匪圖口腹克為養或為祭垂綸在深滾
豈無竭澤計盡物非所悰知足澹自安浩然樂何窮

俛仰起遐思題詩寓子裏

送人還鄉

十年不到海虞城每憶松楸動遠情歸到家山躬祭掃禁烟時節正清明

題茗溪山水圖

國朝昔年寫山水九龍山人誇第一尚素近來亦擅竒筆勢翩翩更無足生平自重不易求一筆不與庸俗流陳君意氣遠相合欣然寫寄茗溪秋茗溪人家秋最樂山色川光映林薄鱸魚上釣鮮可羨白酒新篋更堪酌我生家傍琴川城幾年作客居神京客窓題畫動遐思悠然兩腋清風生丈夫行藏隨所遇萍梗相逢何定趣還君此畫難為情浙浙秋聲滿庭樹

題春暉堂

二復當年遊子吟斯人千載實同心生成德比陽春廣鞠育恩如雨露深祿養喜叨三釜久親年還懼二毛侵高堂愛日承歡處一寸光陰一寸金

題金汝勵小畫

數間茅屋萬重山山裏閒雲自往還老我何時歸故隱晚年心事等雲閒

轟轟蒼松護草廬閑花幽草滿庭除呼僮澗茗消殘

醉一榻清風午夢餘

詠胡汝器庭中緋桃

春城寸土寸金同一樹桃開占曉風贏得新詩題滿
卷絕勝溪上萬株紅

除夕悼亡在南京作

老眼昏昏值歲除悼亡無淚但長吁一經無復承家

學千里那能共客居通喪孫能傳世業王通上世以文儒傳家至

通善經術有中說行世然其書為其子郊疇誣妄所玷孫劭劇勃皆善文傳世業

塾亡身許返田廬晦翁守漳子塾死賜告歸鄉營葬不才何日蒙

殊渥歸教遺孤讀父書

送蘇性初還吳

請告東升日寒江上客舟潮生初雨霽風靜凍雲收
當踏多青服雙親盡白頭明年應謁選此去莫遲留

題陶穀驛亭圖

驛亭狐媚客情移夢入梨雲度小詞明日風光筵上好
蒼茫歸國悔應遲

讀曾南豐虞美人草詩

楚歌四起羽心憎欲挾虞兮走莫能一劍庸酬今昔

寵舞衣反亂帳前燈羽埃下歌云虞兮虞兮奈如何虞乃自刎

重刻思菴先生文粹卷之一終

思菴先生文粹卷之二

詩

孫監察御史淳編
後學范來賢重刻

訥曩因陳情獲承 知遇永樂甲辰冬朝臣以
明經脩行薦天官引選欽蒙 獎諭授行在湖
廣道監察御史因述小詩以載 思遇之幸庶
幾少圖補報于萬一云

天子龍飛萬國春銓曹祗引覲 楓宸當年識拔
皇恩重此日榮除 御墨新桓典才名居憲府馬周

羈旅際昌辰。祗今盛世超前代。獨愧無能繼後塵。
端午賜扇

疊翁榮頌出尚方。太平時節正端陽。摺藏小小堪歸袖。搖動輕輕易取涼。不用丹青圖景物。滿書經訓煥文章。微臣拜賜慚無報。願奉仁風永播揚。

大禮慶成賜宴

園壇昭祀格精誠。百辟催班慶禮成。宴錫

殿庭親黼袞。樂陳軒陛奏咸英。息波浩蕩頌嘉

胙。嵩祝歡呼悅

聖情白首從官無補報。載歌天保荅

皇明

太學丁祭監禮

成均八月陳丁祭。庭燎煌煌夜氣清。祝冊昭宣傳

帝命。官懸交作間歌聲。鐵冠監視嚴三獻。玉佩趨蹌

奠兩楹。禮備樂和神格止。永資神化作文明。

題畫

傍山結樓居。看山飽成癖。地高脫凡近。境寂塵喧隔。枯菱發新卉。庭戶多佳色。好鳥應時鳴。流音叶鍾律。以茲領生意。冲襟自融釋。客從何方來。囊琴欲相即。大音本希聲。妙趣在心得。斯言倘相契。交期永金石。

題四景

雨過尋芳出較遲。小橋平水路參差。落紅點點春容減。愁絕東風聽子規。

右杜甫尋春

好鵝人去墨池空。千載爭傳字畫工。一卷黃庭真蹟浪。野花香啼鳥幾春風。

右羲之好鵝

籬菊歸來手自栽。天寒徒自傲霜開。蘭枯柳瘁時將改。獨把幽情付酒盃。

右淵明愛菊

山風吹雪滿溪船。訪舊歸來月在天。何似東山高臥者。日高猶自枕書眠。

右子猷訪戴

和沈侍讀韻

居庸候朝

龍虎臺高近塞垣。千官齋宿候回鑿。山呼便殿瞻天表。班肅行朝戴法冠。萬里降王身入侍。窮荒殘藥膽應寒。放牛歸馬烽塵息。永祝吾皇壽萬安。

又

聖主巡邊討逆胡。黃金行殿擁宸居。雲屯甲騎陪仙仗。風散天香遶屬車。共喜皇威清朔漠。從今黎庶樂田廬。侍臣感遇陳歌頌。奕奕奎光滿秘書。

冬至

緹室葭灰琯內浮。鬱葱瑞氣滿皇州。微陽資始占

雲物化日迎長賀。見旒萬國共朝天。北極儒冠列
侍殿東歸履端共喜。遭逢盛願竭丹心。荅大猷。

送李十林歸松江再往興化省父太守李新自通使傳除出

阿翁之任七閩去。令子來寧到。帝京名滿中朝新。
出守目窮千里獨含情。泥融驛道征塵少。冰泮官河
去棹輕。此去莫辭行路遠。荔香風裏綵衣明。

送熊太守之官常州府

仁化維新日。遺民望治時。一廡躬自守。千里政無私。
雨露乘麻長。霜風撼棘衣。龔黃名尚在。好與共襟期。

蘆汀夜遂

木落洞庭秋。萬點蘆花雪。一遂夜中吹。占斷波心月。

秋浦晚暑

淡烟起前汀。斜陽沉遠樹。漁翁曾未收。家在溪邊住。

題十八學士琴棋書畫

隋風掃蕩。嗷嗷哇息。此日絃歌四海同。策府從官無底
事。悠然一曲探南風。

房喬清譽冠時流。馬上從征獨善謀。四海一家戎事
息。閑將韜略付文楸。

昭陵雅好蘭亭帖。臨寫當年集衆賢。獨有虞公書最
美。至今戈法尚流傳。

群仙瀑直侍蓬壺。閒抒幽情入畫圖。絕勝閭生在池
上。吮鉛含墨愧傳呼。

題菘菜園

春菘得雨春園裏。嫩葉娟娟淨如洗。呼僮買得煮晨
羹。香軟備能便老齒。東家開宴羅八珍。西家醒酒膾
錦鱗。何如身守清淡淡中之樂。全吾真君不見咬
得菜根心。不易世間百事可做得。

送邵廉使玘之官福建賦得麒麟堆

宣泥居魯日。西狩獲麟時。濯濯形備異。振振性更奇。
作經應感瑞。絕筆有餘悲。此際逢昌運。經行動遠

思

題花鳥小景

丹葩綠葉覆庭隅。野雀銜蟲哺衆雛。不識養成毛羽
後。肯來返哺學茲鳥。

右榴花老雀

幾年不見歲寒姿。客裏觀圖動遠思。彷彿故園書屋
外。翠禽聲斷雪晴時。

右

送主教諭之官尉民

汝玉孫

羨爾精家學承。恩及妙年生徒居。講下條約在身
先。

昭代儒師重名門。世澤延願言勤。敦學他日見騰騫。

題聞鶴鶉畫

天生文彩好毛衣。逞健誇強競尔私。何似解仇隨處樂。秋風未忝正離離。

題牧牛圖

平坡牛背穩如舟。短笛橫吹得自由。回首忽驚天已晚。半輪落日在山頭。

丙午四月出按浙江

祇命分巡赴浙江。潞河水驛上官航。撫心自愧才非稱。願竭公清報聖王。

五月朔到家祭先隴

十年不得謁先塋。此日榮歸感

聖明。在公固當忘私事。過家不入豈人情。儲休積慶賴先世。絜牲奠酒陳微誠。祭畢明朝便南去。簡書有嚴難緩程。

到淞江分院

江浙從來稱要地。綺羅玉帛冠東南。分巡此日開分院。誓絜身心警衆貪。

岳武穆王墳廟在西湖上。歲久風雨震凌廟貌。

毀壞因命郡邑重新修。蓋踰月而畢。

岳王英烈冠當時。父子含冤最可悲。和虜君臣同北

面孤忠墳樹獨南枝丹青剝落生前像梁棟傾頽死
後祠盛世褒崇有 明詔殷勤修奉莫容遲

謁墓次趙松雪韻

棲霞嶺下岳王墓。宰樹彌風石甃危。孱主當時甘屈
膝。孤兒終見豎降旗。長城自壞應堪恨。大廈將傾竟
莫支。回首鳳凰山下路。故宮禾黍更堪悲。

石經歌 有序

昔宋太宗嘗曰朕退朝觀書外留意字畫雖
非帝王事業不愈游畋聲樂乎迨高宗亦曰
寫字當寫經書不惟學字又得經書不忘紹

興二年宣宗御書孝經繼出易書詩春秋左
傳論孟及中庸大學學記儒行經解五篇總
數千萬言刊石太學淳熙中孝宗建閣奉安
親書篇曰光堯石經之閣新安朱熹修白鹿
洞書院奏請大帝石經本是也元初西僧楊
璉真伽媚桑哥意發宋諸陵造塔行宮故址
取碑石壘塔路官申屠致遠力爭而止因建
議改學為西湖書院歲久閣廢碑石斷折零
落洪武中移仁和學於書院然石經久廢人
莫知留意也宣德元年夏予出按于杭觀之

慨歎廼屬守臣盧君玉潤率教官生徒四散
收拾得全碑若干碎折若干一一補鑿共得
經碑百二十片昇寘殿後及兩廡見者驚歎
因作長歌以紀其事庶後人知所愛護云

思陵避狄東南隅臨安建國稱行都投戈講藝事經
術諸經語 咸親書字形僅比黃庭小楷法欲與爭
先驅宸章赫奕麗霄漢鸞翔鳳翥昭神謨宰臣敷奏
勒琬琰工徒竭蹶爭奔趨琢成豐碑凡二百一一摹
刻無遺餘身高八尺廣踰半上圓中直安方跌列藏
成均首善地要令萬世瞻弘模淳熙紹統構傑閣覆
蓋護惜同璠璣嘗令良工打石本散布學校周寰區
炎精墮海宋社屋胡元馭宇崇髡徒豪酋楊璉媚姦
相走舁碑石營浮圖路官申屠力爭止改立書院名
西湖陵夷百年閣既毀石經倒折誰匡扶小者搯墻
布行逕大者顛倒橫溝渠遂令至寶逢汚蟻誰復張
眼來睚眦嗟予好古生何晚忝官六察乘輶車仁和
邑庠偶得見對之不覺成歎歔岐陽之鼓久已沒東
都石經今亦無俗流愛花蘭亭刻視此何啻天淵殊
急命郡守集吏卒手舁繩拽來庭除爬抄剔洗去垢
穢灰黏錢鈕相聯挈尋行數字共合轉妥置長廊寬

更舒東西時立無杌隍深簷蓋護何他虞零殘塊礫
埋殿後免遭賤辱居泥涂當今

大明御四海嚮用經術崇文儒浙江大府列藩臬聖
賢謨訓當弘敷我歌石經示來者立言雖鄙良非誣
訥又按紹興二年乃辛亥歲先是建炎四年
庚戌金撻憫陰縱秦檜還倡和議高宗惑其
說明年拜右相又明年壬子高宗曰檜言南
人歸南北人歸北朕北人將安歸檜語塞因
免官榜其罪朝堂不復用三年癸丑金李永
壽來諭和欲畫江益劉豫與檜前議合朝議

益知檜與金共謀五年建太廟臨安侍御史
張詢言去年建明堂今年立太廟是將以臨
安為久居計不復有意中原不報六年丙辰
以檜為行官留守叅決省院蓋欲與金和故
令豫政七年為樞密使八年拜右相兼樞使
王倫又偕金使來檜奉高宗拜受金詔奉藩
稱臣樞密編修官胡銓上疏乞斬王倫及檜
詔銓監廣州鹽倉十年岳飛大敗金兵于朱
仙鎮兀術遺檜書曰汝朝夕請和而岳飛用
兵不已必殺飛始可和檜亦以飛不死終梗

和議已必及禍因方奏取回飛一日奉金字
牌十二乃引兵還十一年拜檜左相兼樞使
以何鑄僉樞院克金國報謝進誓表使乃殺
岳飛于大理獄十二年徽廟之喪及后韋氏
至自金加檜太師封魏國公十五年賜檜第
親幸之復御書一德格天之閣以賜二十年
軍使施全刺檜于路不克檜親鞠之吞曰舉
天下皆欲殺虜汝獨不肯故我欲殺汝也詔
磔全于市二十五年檜病進封建康郡王加
其子熺少師並令致仕是夕檜死竊惟高宗
惑檜邪說忘不共戴天之讐甘心為其臣僕
予之是歌蓋痛先聖賢經訓被人污蟻踐踏
耳若檜之惡則載題聖賢圖像後及晦菴除
秦檜祠移文此不瀆告云

題朱縣令廟

宋建炎三年高宗避狄明州孫于海兀朮犯
臨安留守康允之棄城走錢塘令朱蹕率尉
曹金勝祝威力戰皆死寇退立廟死所洪武
初載在祀典予至修謁則上兩旁風敝陋殊
甚因命郡邑重為修造惜乎宋史不為立傳

而通鑑續編亦失備載故今郡人皆以金祝
廟為稱而忘朱令予因考郡志大書以示後
人云

翠華孫海避胡戎留守奔逃省院空獨有錢塘朱縣
令捐生迎敵奮孤忠 錢塘朱令捐生日金祝當時
亦殞軀 昭代褒忠同廟食至今祠宇近西湖 南
渡三臣舊有祠重加修葺際 清時大書事蹟傳于
世庶使勲名久遠垂

戊申五月出按貴州

詔命分巡赴貴州江南萬里路悠悠同官笑說先曾

到指向西南天際頭

過潯陽

潯陽江水急如弦坎止流行理自然何事當年老司
馬琵琶一曲涕漣漣

題岳陽樓

鄉人冷融司訓是郡携果酒同登

岳陽樓下洞庭水極目無涯思渺茫遠接九溪來昂
澧旁通百粵過瀟湘 神都遙望隔千里舊友相逢
共一觴三復希文當日記先憂後樂豈能忘

登君山寺和故人李尚書至剛壁間韻

昔年幾度君山過此日停舟始入山旅鬢自驚霜雪

分司職典澄清寄寢息行藏衆所窺寄語後來當戒
謹共弘風紀肅群司

至貴州

自辰州登途日行高山陁壑中時值六月暑
雨痛風舉發兀坐肩輿四顧蠻洞相傳皆槃
瓠遺種凡行十有六驛歷十五日始至云

暑雨深山行半月肩輿病骨痛難禁登高應似登天
遠下壑渾如下井深溪洞盡傳槃瓠種樹林時度鷓
鴒音此行跋涉良非易頽布霜威服衆心

貴州和沈學士寄韻

萬里南巡出帝畿衰年寧似少年時中心久已安
清白前路何項計險夷碌碌每嗟無寸補匆匆今又
遇瓜期行看得代還京國剪燭西窓共論詩

八月九日出貴州城口占四絕

去歲分巡到貴州迂愚真欲解民憂今年得代還京
日父老攀轅雨淚流

父老殷勤共致詞曾陳愚悃上京師誰知借寇情難
遂日送輶車動遠思

清曉三司送出門門邊一揖便相分臨分不用陽關
酒共勉清勤荅聖君

蕭蕭行李向東還要歷湖江共險灘若有私贓并土物任教沉向碧波間

寄貴州宣慰司儒學二廣文

初予往貴州或謂夷人性別若弗納饋送則生疑下蠱予以為蠻夷重利父子兄弟至讎殺爭效苟能撫愛而却其物彼豈不悅服而反加害乎既至詢其人皆羅鬼徭徭木徭徭蠻等類三司官府既衆擾害生而蠻困矣遂出榜禁止孳生羊馬和買供給等弊復具官員使客擾害之情入奏未幾鄭叅政景履

孫深入徭徭寨低價買物因為擒解抵以流罪繇是相戒弗犯越數月宣慰女土官賓香率群蠻以馬羊米酒羶貨來獻予拒之則伏地致懇因諭之曰予禁諸官擾汝若受汝物彼無顧忌則益擾汝矣汝持此物歸所部遇貧者給之蠻聞皆再拜歡忻而去又數月夷民羅鬼把事王彥成等不遠萬里詣闕奏曰乞留吳某數年遠近夷人皆得安矣朝廷不忍棄其久處蠻瘴之地循例選官來代至之明日予即出城行三十里有蠻奔覘從

者驚駭蓋前兩月有執馳驛鳥撒鎮撫入寨
索物取贖者予亦疑焉少頃群蠻數十人鬼
形鳥面執酒一葫蘆熟鷄一隻跪曰我山後
羅鬼計毛也我鄰人前當寨長牛羊米穀供
給不敷我今年輪當大人禁約官府無科取
我蠻要保留今聞去持領一寨男女拜送予
遂取鷄一臠酒半盞嘗之餘令蠻自食遂皆
感泣羅拜復送數里乃退因書小詩寄二廣
文使達三司繡衣諸公俾知蠻人有義若是
且信予前言不虛云

羅鬼蠻酋彌計毛嘯呼朋類拜山坳手持鷄酒來相
送說罷潛潛兩淚拋

葫蘆裝酒出蠻方暫駐肩輿為一嘗嘗罷群蠻咸感
泣彌呼相送過前岡

聖朝仁化歷年深誰謂蠻夷類獸禽好逸重財仍有
義好弘風紀服蠻心

題興隆衛分司壁

予住貴州十五閱月方面官相見唯一茶而
已雖慶節及迎接詔勅未嘗與同酒食暨
得代歸當日晚行至龍里驛蘇都指揮寶令

其弟以象牙器物來餽予麾斥而去又三日
至清平衛則都司李政又令其子以駝駝牙
笏等物同吾鄉人陸本中來送力辭弗已欲
執送官始匍匐走歸嗚呼予之不能取信于
人也有是哉明日至興隆將出貴州境遂題
一詩于分司東壁以寓意云

為士尚清白猶女守潔貞纖介苟一渝他美奚足稱
所以古賢達千載存餘馨暮夜畏四知嘉言炳汗青
曰予本賤士

皇恩寄澄清出按西南疆習俗貪以爭秉法去宿弊
中諭安疲氓禁絕宴好私弗與通人情庶幾激群職
相勉摠忠誠瓜期欣得代星言遂晨征行囊半書冊
歸袂清風生峻詞却餞送恐污清白名節義泰山重
貨賄鴻毛輕題詩寄惓惓勿謂予言矜

至高都驛

自貴州山路行八驛至平溪足痛不能坐轎
因登獨木銅船行三驛至沅州上站船又行
十驛至辰州不復停駐復再行五驛至常德
高都驛絕脫灘石之險計數日間水程歷十
八驛日行險灘惡瀨中至有一灘長二三十

里者亂石怒流莫可名狀彼人云此人只說
呂梁險見此必當心膽碎詎不信哉

小小舸船礙兩有只圖病足好伸眠上灘下瀨多驚
險憶殺江南坐畫船

數日經過數十灘灘險惡使船難北人只說呂梁
險見此應當心膽寒

泊團山

洞庭湖裏團山下憲節東歸艤棹時寄語龍神息風
浪此心無愧有天知

去歲登君山曾和李尚書韻今秋舟過就韻寓
意

清秋憲節還朝日舟過君山遠看山湖水歸洪山址
闊天風助順棹歌閑西瞻辰澧滄波外南望衝湘杳
靄間從此無程向京國五雲深處是天關

又

去歲停舟遂入山今年風便倦躋攀何時更在山前
過重寫新詩向壁間

題芙蓉

衆卉怡春逞艷姿紛紛飄落已多時何如開向秋江
上露葉霜苞獨擅奇

題梅竹聚禽圖

伶倫吹煖到梅邊。禽鳥何應得氣先。好待上林芳意滿。共調嬌舌語風前。

庚戌七月八日欽蒙 特恩陞授都察院右僉

都御史

詔僉都憲治南都任重深慙智術迓地遠留司多縲
逸負多各道雜清汙惟堅冰蘖持風紀應見豺狼避
遠途明發

陛辭馳驛去肯因衰朽惜馳驅

八月六日赴南京都院任

夜漏聲殘曉箭催都門初闢赴都臺臺端寅長舊知
已臺下賓僚新俊才耿耿丹心思補報蕭蕭華髮愧
衰頹政成會見朝 行闕乞取餘年歸草萊

挽曾學士

永樂龍飛泰運開詞林欣覩狀元來 大廷寸畧萬
言策 內殿新詩七步才法從清高躋四品奎光赫
奕映三台傷心歸觀龍河上淚洒西風奠一杯

挽靜齋黃少保 宗豫父

永嘉山水東南秀 昭代生賢古所無壽邁九旬全
五福官封一品位三孤詩書奕世承先訓忠孝貽謀

足永圖向日東游訪林谷殷勤一束致生芻

題向都御史挽詩卷

辭榮歸老樂悠悠何事倏然賦遠遊
葬有豐碑鐫史筆卷多哀挽盡名流
四朝駁歷聲華舊兩代馳封寵澤優
剋首佳城渺何許淡烟斜日滿松楸

周宜人挽詩

圓象無停運流光去如馳賦形百年中
奄忽更歡悲惟昔奉君子柔嘉展多儀
和熊教子成掇科仕明時湛恩賜封邑
歡並黃髮期何期霜霰繁慈萱

克先萎悲哉孺慕情遑遑涕漣而榮養
今莫遂終天恨難追惟存五花誥永世揚
光輝

送陳生歸蜀掃墓立碑

平江伯子襄成伯求

迢迢西上省松楸萬里江山樂壯遊
艷瀕冬寒湍水落岷峨春霽暖雲收
穹碑新立勲名舊三代追封寵澤優
料得東還春已暮社鷓聲裏促歸舟

題雲屋圖

一天涼思雨晴初雲氣漫山半有無
好似當年讀書處草堂依約樹模糊

送鄭生恭捧誥歸金華

公在大理寺丞祖母年八十

八十慈親天下稀榮封綸誥日邊歸
帆開潞水春

光晚舟到金華暑意微三百歷年欣義聚數千食指
慶家肥名門子弟深加省祖訓當遵繼德輝

記曰父子篤兄弟睦夫婦和家之肥也金華
義門鄭氏為天下第一家予自洪武中識尚
書公于京師後獲交叔美與籍予詞林今又
得與寺丞公交好之久益切歎羨古語云名
門右族成立甚艱覆墜亦易茲因鄭生捧誥
榮歸敬借寅長熊公韻以致展賀及規勉之
意云

題錢公遠畫

迢遍青山隔遠溪湖光搖綠映茅茨市塵不到清如
水絕似沙盆過雨時沙盆錢住處地名

分題賦得南山聳翠壽段侍郎母七月誕日

南山秋色兩相宜笑詠南山祝母儀壽比岡陵全五
福名標洞府介繁禧玉田氣煖烟霞滿芝圃雲深歲
月遲此日朝紳稱壽處絕勝仙客會瑤池

中川十景有序

黃門給事李君審以其鄉邑中川諸景請予
友通政陳公求予作詩誼有不可辭者因成
小詩十章以塞其請

瑤壇醮虛皇。人去迹已非。惟存舊時月。千古揚光輝。

右醮壇曉月

從龍朝出山。救旱沛甘澤。萬物得生遂。玄功妙難測。

右龍洞朝雲

華萼媚春陽。獻賦稱獨步。何如舞雩人。悠然樂真趣。

右華萼春暉

宋相讀書處。石柱凌晴空。百年泰運回。勗哉繼高風。

右書樓畫錦

鴈塔淡題字。川陝跡已陳。文明屬昭代。穹碑滿成均。

右鴈塔題名

桂湖瀟晴波。芳潤浹九里。天雲影徘徊。源頭來活水。

右桂湖澄碧

巖泉匯成湫。湫水涵空碧。行觀挹竒爽。獨有招提客。

右聖水靈湫

葛令煉丹去。此地餘空井。長松掛寒月。更闌落清影。

右葛仙勝跡

蓬萊隔弱水。東望不可往。何似中川人。三峯日遊賞。

右三峯聳翠

東林晚最佳。滿目總詩料。彼美謫仙孫。徜徉足吟眺。

右東林晚眺

送蹇伯榮往北京慶父少師壽日

北上親庭舉壽觴都門春色曉蒼蒼
帆開揚子東風軟路近金臺
化日長盛世八荒開壽域
元臣七袞尚康強
過庭想復聞嚴訓世守清勤報
聖皇

送沐舍人往雲南省父

迢迢滇南路青年獨往還
鯨波三峽水鳥道萬重山
忠孝承先澤威名振百蠻
此行榮捧

誥應足慰親顏

和段侍郎齋宿詩有序

大祀開齋之旦承示佳作因憶曩歲叨綴後

班屢沾慶成榮宴廼今仰望行朝如在天

上敬就韻勉成二律一以紀當日遭遇之榮

一以答來意之厚云

慶成玉殿開春宴恩意兼隆古所無
韶舞聲傳天

上樂衣冠香惹御前爐幾年盛禮叨陪奉
此日端

居默感孚深愧餘生難補報
衰頽無復鬢毛烏

涼月浮光滿太虛齋房深處俗塵無
清聲依耳聞天

籟簿煖烘人近地爐報國此心思
共勉論交真趣

在相孚詩成料得無他念
獨愛庭前返哺烏

題章侍郎壽詩卷其子進士瑾求十一月誕

蚤歲登瀛被寵光 累朝敷歷髻蒼蒼天開子月陽
初復節屆生朝日漸長三品亞卿司禮樂五花官誥
煥文章世科有子能繩繼笑舞翩翩舉壽觴

題陳山人壽詩

弟司業求四月壽日年六十一

橋門鍾徹曙光分遙望家山祝壽辰九十春光今始
過一周花甲再交新晴郊步屨尋佳友夜屋書聲訓
後人何日遊行到 京國對床聽雨叙情親

題徐熙草蟲竹石圖

憶昔何人善草蟲徐熙當日家稱工發生不籍滋培
力點染能參造化功彷彿飛鳴新雨後依稀蠕動午
陰中最憐竹石尤蒼古歲晚相看節操同

題江山嘉趣圖

半幅長縑作畫圖江山佳處總堪摹嵐光遠近分濃
淡水氣迷茫似有無山店酒香留客騎江村風冷足
蓴鱸披圖頓起東歸思茅屋蕭蕭在海隅

題雲山草堂圖

夙志尚幽討寒雲結茆屋下俯清溪深上倚寒崖矗
軒窓列文史曛明恣探翰欣然會心處長歌振林谷
陽春轉圓運陳根被新綠閑庭生意滿忘言遂幽曠
嗟予骯髒姿白頭尚耽祿何當乞身還相尋繼遐躅

題鳳臺別思卷送沐公子可觀往雲南省父

送別城南趨早涼鳳臺物日絢晴光卷中珠玉吟囊
重眼底江山客路長南詔勲名弘舊澤將門詩禮藹
遺芳此行應復聞嚴訓世篤忠貞荅 聖皇

送黃儒愷歸豐城

尚書宗載子

渥洼出驥子不與凡駒同稟靈既權竒調習尤加工
俛首受羈銜矩步恒雍雍一朝骨格成馳獻天閑中
肇革飾丹腹樊纓間青葱馳驅合和鸞奉引乘清風
陋彼躑躅羣要逸徒稱確三復尚德旨願言繼遐蹤

挽周處士

驚飈振平陸庭椿遽云摧脩景不暫駐哀音遠來馳
袞裳急奔還會空窮山陲備物象平生小大成陳茲
玄廬一以閉四顧空淒其音容再難覲終天恨何追
求詞發潛德垂世無終期

送王都憲翔還京

皇華遠 召出西江暑雨初收日正長幾載撫巡宣
帝澤寸心清白凜秋霜過家拜母聽慈訓到闕朝天
被寵光好謁忠誠輔臺長共弘風紀報 君王

音挽章侍郎啟

夙昔重相知同朝覆多載兩京嘆睽索寤寐懷風采

擢登春卿亞吾道增輝彩祿秩方遠期年齡不相待
訃音天外來聞者盡驚駭卹典蒙鴻恩挽歌得僚
宋文章滿石渠聲譽傳湖海世科有賢似繼述於焉
在靈輻駕言還日落愁雲變芻負愧莫親臨風淚空
酒

挽陳侍郎鼎無子

官居六察同寅久共拜天恩副憲臺前歲喜膺遷
職寵今春忽報訃音來箕裘寂寂遺書在嶺海迢迢
旅櫬回此日龍河相送處老懷傷切倍增哀

智溪八詠為安成彭進士貫賦

雙流沁寒碧滙合環幽居深源發嘉祥和氣充門閭
右二水合流

詩興滿三洲眼底總吟料彼美軒中人徜徉足遊眺
右三洲品列

聞說幽棲處西溪樹最奇酒酣閒坐久面面好風吹
右西溪奇樹

東麓有寒泉味似中澗水試煮蒙頂茶香絕應無比
右東麓甘泉

羊岡有故蹟云是仙人化流傳世代久遠近成奇話
右羊岡仙化

佛嶺結招提山僧入夜歸輕敲月下門雲滿伽黎衣

右佛嶺僧歸

仰峯最高寒雪霽滿岩谷倚杖縱竒觀清光眩吟目

右仰峰雪霽

行雲無定踪出自鴿湖陰從龍今際會願作商郊霖

右鴿湖雲起

挽周員外岐鳳

長洲傾蓋論交後兩地分違歷幾春晚歲同朝情更
洽斯文相聚老彌親着鞭先我恬歸隱哀訃俄聞獨
愴神家學有傳垂不泯史官遺刻在蒼珉

送趙日新郎中還杭州

潞河八月寒信早策策霜風動林杪郎官此日承
恩歸鶴髮雙親年已老雙親鶴髮拜寵恩白鷗錦
綉官袍新雲冠霞帔受封邑頓令光采生清門烹鮮
擊肥奉甘旨邑里親朋盡生喜便當及早促裝還移
孝為忠報
天子

題余生挽詩卷

伯魚既云天受之亦先萎聖賢元氣會致此因何為
解大均陶萬有氣聚形以具厚薄稟既殊短脩有恒

數解^二余生稟純慧嶷嶷稱家兒孝友出天性績學勤
書詩解^三學成年甫冠開門授童穉父官玉堂中子為
青雲器^四解是父有是子名稱滿京華一朝溘權夭朝
紳動咨嗟^五解娟娟膝下孫翁歸善教撫仁者必有後
古訓非虛語^六解蹇予年已衰嘗罹舐犢悲有孫莫歸
教撫卷增淒其^七解

侍講余君正安養疾歸南康以亡子攬詩卷求
題正安年始六十孫桂已垂髻乃今優游歸老
其能撫之教之也必矣予也亦嘗罹舐犢之戚
幼孫惇惇遠在數千里外視君之歸寧不有感

于中耶庸書小詩七解于卷言不成文讀者識
予意云

白雲親墓為陳孟玉賦

白雲親墓吳山下千里相違歷幾春冥合松楸瞻望
遠陰連桑梓夢歸頻馳驅久已勤王事流慶還應在
後人

聖代祗今多雨露竚看追贈寵光新

陳良繼祖母嚴氏挽詩

良又先逝子先終獨撫孤髮守固窮破屋詩書冬雪
冷空房機杼夜燈紅婦能全節承慈訓孫已成人繼

祖風此日奔歸營宅兆吳山深處白雲中

題春夏秋冬四景

屋下清流屋上山嫩紅新綠滿林間黃庭讀罷無餘事猿鳥不驚春晝閑

五月溪風拂面涼扁舟蕩漾釣絲長得魚歸向前村過茅店新篳酒正香

霜染丹楓媚晚秋一篙清水泛輕舟杖藜緩步歸何處應向雲間覓舊遊

凍寒凌兢懶着鞭天風吹雪滿吟肩想應欲探春消息只在溪南淺水邊

題趙主事風木圖卷

商飈吹寒起天末庭樹驚秋聲浙浙天涯有客念茲闈欲養不逮增悲戚慈闈既去不復還高堂椿翁壽且安翁壽且安宜盡孝况有厚祿能奉歡嗟予早年失恃怙抱恨終天心獨苦題君此卷難為情門掩西風淚如雨

題射柳圖卷有序

射柳起自近代事見通鑑續編 聖明因而
不廢者蓋以其程藝能示賞勸而不忘乎武
備也某忝官于朝每以多病弗克躬覲盛禮

今襄城伯李公出示端陽馬戲圖通政使陳
公既為題識予因追憶往事賦之以詩曰

太平時節屆端陽射柳神臯日正長
虎旅朋分誇捷捷龍媒駢逐競騰驤
藝精弓馬

皇情悅宴錫蒲觴湛露香武備不忘
文化洽萬年洪業邁虞唐

新雪即席和吾貳卿韻

冬深瑞雪喜新逢共話來春歲已豐
光映晚窓天不暝寒欺臍酒頻空四
郊瑞藹歡呼裏萬樹花開頃刻中此
日賓筵多俊傑共歌天保答天工

題梅

孤根獨得先天氣吐出疎葩分外奇
公館夜闌清夢醒半窓斜影月來時

題黃鶴樓圖

黃鶴樓前江水流昔年幾度熾歸舟
客窓此日看圖畫老去令人憶壯遊

題趙氏遺墨卷

兩翁詩筆載蒼珉題品盈編總縉紳
後裔珎歲流慶遠好修家學繼前人

題吳貳尹畫

萬山深處結幽棲九十椿
萱世所稀此日還家秋正
好桂花香裏戲斑衣

題陳貳尹竹卷和楊少師韻

新稍矗矗勢凌雲雲骨稜稜鏤錦紋
書館相看同歲晚清標應不愧前聞

偶成

景屬清和日漸長病軀新覺稍康強
午窓睡醒無餘事倚杖門前看插秧

題邵同知竹軒用周惇如和胡祭酒韻

邵父彌

阿翁雅志抗浮俗冰雪皚皚映香玉
令子傳芳復尚

竒烟兩瀟瀟散晴絲新稍舊節環層軒
四時和氣涵靈根願菴寄詩雙崖和相望
不啻同琴尊嗟予病卧郡城遠竹徑無人
破莓蘚敲門索和竹軒句老懶遲遲
求轉轉古來作善多嘉祥武公姓謚今猶香
好書淇灣列軒壁奕葉傳看歲月長

寄外孫錢昕

病間得汝書授官廣西道此道我曾任
事簡刑名少書云職難盡求我垂教導
蘭臺地高雄御史任非小多角矗
我冠風動百僚表汝家素温富汝年正英妙
温富易驕靡年妙多輕窕存心須仁恕待人戒猜傲

法律未易明夙夜勤研討我孫汝表兄出入須相保
過失要相規難疑要相曉親情能始終勝結他人好
我年垂大耋邇來病纏繞所賴無外慕事至能了了
日思我孫面心焉怒如擣絨詩示惓惓勿謂我言耄
五君詠有序

宋顏延之作五君詠蓋詠阮步兵嵇中散等
延之時甫六十故克鎔意鍊辭以永昔五君
於汗簡今我年踰大耋筆硯久絕安能壽今
五君耶今之五君起司馬鄺桡終通政謝澤
捐生取義同於中散况予於桡等諮詢評證

論訂論詰頗得其實後人儻畧文尚實則今
五君未必不繇予言而傳歟

兵部尚書鄺桡

桡與吏部尚書王直等力言不當親出拒而弗納桡因掌兵政復叩首立諫扈從隨出

姦腐脅 鑿與躬出擣胡寇力諫當命將扣地血濡
首虜兵犯行宮奮擊死于闔貞績照汗青德慶覃華
胄

戶部尚書王佐

翠華逐胡我爾也典糗粳 翠華被留拘爾乃死賊
手爾死無所愧馳澤蔭爾後同時捐軀士我遠弗可

究

副都御史鄧榮

予昔官廣西道榮來觀政予與陳鼎同狀呈堂保其才器清慎老成都院具奏即授御史

榮昔我保任榮行最清苦扈從出擊胡敗旋到闕下

叶音問知駕在北急徃死君所天祚忠孝門庭評

世簪組

王部侍郎王永和

永和在崑學娟娟少俊姿延吾到學中和來問書詩積官貳司空隨征沒于師諸兒列膺仕崑邑增光輝

通政使謝澤

澤也密菴姪清白素所安催糧到吾鄉貪吏莫敢干陞職守邊隘失守被賊殘客來偶譚及竊獨仰屋歎晦翁云行師之要不謀必無成不懼必敗又云用人當取其長老病中聞澤死有感因獨切歎云

崑山有林鄭君挽詩

昔年分教醫垣日君正清彊我已衰南北馳驅成別久悠悠雲樹動遐思

衰殘得請卧田里百里懷君會面難此日忽傳衰訃至拋書東望涕潛然

昨聞令子掇高科盡道君家積慶多
盛世祇今多雨露佇看貶爵賁岳阿

寄南京宗伯儀公

病間聞吾友晉任尚書職隨聞失佳耦悲喜何交集
久缺致書問寸心恒戚戚緬懷有恒齋歲遠成陳迹
少師積深厚吾友稟忠實愧吾非故吾困坐如龜息
簾綿布二端出自家園織望付諸子姓祥禫助膳炙
後會無復期臨書重於邑短章申微忱好繼先公德

蘭蕙操為陳得中賦

猗蘭之芄芄兮猗蕙之莪莪兮吾兄弟之雍雍兮猗
蘭之苾苾兮猗蕙之萋萋兮吾兄弟之秩秩兮草之
異根同香氣兮人之同抱終不可有異兮

蘭竹棘圖辭

幽德之馨直節之風天棘心乃厠其中吁豈非合
而不流和而不同者耶

滿江紅送余侍講告病歸南康

歸去來兮家何在匡廬山麓對萬頃平湖數間茅屋
昔日登科年正少玉堂應制誇神速二十年朝夕通
清光當知足齒漸脫頭漸禿不如尋箇閑局惟戀
闕歸心遲遲難促此日登舟歸去也到家正值松醪

熟酒醒騰把萬卷詩書教孫讀

重刻思菴先生文粹卷之二卷

思菴先生文粹卷之三

序

孫監察御史淳編
後學范來賢重刻

吳氏譜圖序

吳氏之先出自姬姓昔周大王長子泰伯同弟仲雍採藥荆蠻遜國與弟季歷荆蠻之人義而歸焉遂端委臨之自彌勾吳泰伯卒無子弟仲雍立仲雍卒子叔達立叔達卒子周章立當是時季歷之孫武王發克商天下大定乃求泰伯仲雍後得周章于吳君國

已久遂因而封之列為諸侯世有其土自泰伯而下
凡二十五傳至夫差始失其國子孫乃散四方以國
為氏常熟去吳城百里為吳屬邑先君子嘗言吾家
世居是邑元入中國邑里被兵宗族星散譜牒亡失
吾曾大父誠菴府君艱閑子立始自邑城東隅遷居
文學橋子游菴言公故宅之側以至于今自是而上
不可得而詳矣訥佩服遺訓訪尋舊譜終莫能得嘗
聞老泉蘇先生之為族譜也斷自高祖諱斬為始其
言曰高祖之上不可詳矣自吾之前而吾莫知焉蓋
已矣自吾之後而莫之知焉則從吾譜而益廣之可
以至於無窮於是竊取其意參以歐陽文忠公譜法
斷其所知自高祖誠菴府君為始列為譜圖以紀世
系凡配偶卒葬隱顯事迹悉依歐譜具載于後仍倣
蘇氏著為後錄二篇蓋欲後人觀感取法以盡孝悌
之道焉若夫克廣增輯謹守力行則後人各當自勉
而實予之深望也嗚呼敬哉永樂丁亥八月癸未朔
謹序

王氏宗譜後序

古昔聖人別生分類有姓氏之制三代盛時生則閭
居死則族葬故昭穆有序而百姓親睦姬轍既東九

兩之法廢井田之制易所謂姓氏者又混淆莫辨斯
民於是散無所繫漢晉間有氏族書至隋唐又廢雖
世家著姓亦莫知其所自出族屬之間至有相視若
塗人者仁人君子每竊疚心焉宋少師廬陵歐陽公
眉山明允蘇氏各立族譜製為序引以示子孫近世
之士乃得有所取法予友江寧令稽陰王君處善慨
宗枝之繁漫無所紀乃自七世祖以下斷其所可知
者著為宗譜生沒有日宅葬有所出處配偶罔不明
備處善之心可謂勤矣間持眎予且徵言題識予聞
王氏簪纓世族著于浙左斯譜之作子孫世守其於
昭穆尊卑之序必能秩然不紊也無疑矣雖然昔者
吾鄉先正范公有曰吾宗族甚衆吾祖宗視之無親
疎則凡饑寒者吾安得不卹之也王氏族人載名是
譜者誠能三復斯言將見孝義之心油然而生其於
親睦之道無不盡矣豈但昭穆有序而已

嚴氏族譜序

予友大理寺正嚴志道氏本歐蘇二先生譜法輯成
族譜自為序引首載得姓受氏之源以重其始復以
辨昭穆別親疎崇孝弟篤倫紀四者屬望後裔繕寫
為帙來徵予言予惟古昔氏族史官所紀周小史定

世系辨昭穆有世本錄漢魏以降官有世冑譜有世
官迨隋唐復此制遂泯士大夫家自為譜然多扳援
誣冒而昭穆紊矣今志道以舊譜散逸斷自高祖為
始後之子孫循例書之何昭穆親疎莫辨哉惟崇孝
弟篤倫紀非賢子孫莫能盡焉蓋倫紀者君臣父子
夫婦之三綱諸父昆弟族人諸舅師長朋友之六紀
也欲盡其道何莫非孝弟之推歟昔歐蘇先生造譜
距今四百年習俗日偷不待服盡相視途人者比比
然矣甚則勃溪侮聞靡所不至雖修譜謀不過欲聒
人夸其門戶烏知倫紀當厚哉宜志道以是為慮也
雖然父祖於其子孫靡不愛之慮之其愛之深則願
其為賢智為君子其慮之遠則恐其為愚惡不肖故
愛之深則慮之遠慮之遠不自知其言之至也嚴氏
子孫誠能三復序言為賢智為君子而不淪於愚惡
不肖之歸則夫崇孝弟篤倫紀皆日用當行之務又
何不能盡哉予與志道親且舊於其請因推其意告
其後人若見先府君墓碑者不瀆告云

漁梁徐氏族譜序

漁梁徐氏族譜者吾邑徐敏叔氏之所輯也徐羸姓
裔出伯益之後世望東海今日漁梁者敏叔本其所

知與其所居而言也。漁梁去海虞邑城兩舍而遠。昔元盛時敏叔曾大父恢祖自邑之邵舍墅始遷於此。至敏叔四世矣。子孫繁衍族日以大。敏叔思後人昧木木本原之自。乃本歐陽子譜法輯為是譜。止菴翰譔琴軒通政序之詳矣。敏叔以予有姻舊之好。復命冢子慎持求予言。嗚呼。是不既備乎哉。雖然。昔者嘗聞之人之有姓。揆厥所自。莫匪聖賢之胄。自周道氣五宗九兩之法廢。由是散無所繫。隋唐以前猶或家有譜。謀官有譜。狀婚姻選舉互為考證。而凡子孫亦得有所憑藉。而世系不失。唐亡其法復廢。故雖名家

右族亦莫知所自。出宋至和。中歐蘇二先生始各立譜。以盡尊祖收族之意。自時厥後。凡稱士夫者罔不於是取法。然求其能識夫先正立譜之意。以盡孝弟之實者。蓋鮮矣。嗚呼。譜者所以載先德。明世系。其要在後人謹繼承。隆孝弟。以無忝世德。為務。匪徒設為觀美之具而已。故文忠公譜序曰。傳於家者。以忠事君。以孝事親。以廉為仕。以學立身。老泉譜記曰。觀吾譜者。孝弟之心。油然而生。凡在譜者。死必赴。冠娶必告。少而孤。則老者字之。貧而無歸。則富者收之。二先生之言。豈為觀美之具而已哉。敏叔敦本行誼。聞于

邑里往歲嘗扁所居曰積善復輯古今累世同居者
曰同居集今又纂脩是譜其望乎後人至矣予故剡
取二先生之言冠于譜首以為徐氏子孫勸且使夫
鄉之人徒脩譜牒而不克盡孝弟之實者聞之亦必
內愧而改行也

分宜李氏族譜序

世之葆姓受氏孰非神明之胄故凡立譜者必先考
其得姓之始以重其本又必詳其支派之分以謹其
承然歷世既遠又豈能一一而著明哉予致政家居
邑貳令西江李子廉氏手其族譜謁文弁其首愛而

閱之自學士李公時勉而下題叙甚詳予固以衰耗
辭貳令懇懇勤勤兩載之間蘄請弗止今年九載秩
滿瀕行復申前說予不得辭按氏族書李出自高陽
氏有才子庭堅為堯大理以官命族為理氏其後理
徵避難得全遂改氏李數傳至周有李乾娶益壽氏
生子耳字伯陽為柱下史是為老子伯陽之子宗為
魏將生秦將軍注注生御史大夫曇字貴遠曇生二
子崇璣分為二族崇之族為隴西璣之族為趙郡既
而似胤日盛趙郡分為六房隴西分為十三房自時
厥後唐有海宇而隴西之族以房計者至於四十有

一而中有出賜姓者焉江右分宜之族蓋出隴西始於西平王晟之子憲任官於袁子孫因居境內迄今已歷二十餘世今貳令重修是譜首載西平墓碑繼以各派圖系蓋欲族人京仰先德而思繼述于無窮也其用心亦勤矣雖然先正有云脩譜易脩身難蓋譜或不脩尚可追考增輯身一不脩則辱身玷先萬事瓦裂雖稱神明之裔復何補哉李氏族人登名是譜者誠能脩身謹行宣昭令聞處于家則循禮樂善而不失乎義出而仕則守廉秉法而不離失道則庶無忝先世之德而亦不負貳令今日脩譜之心也昔宋曾文定公鞏以雄文碩學冠冕一時歐陽文忠公尚謂其所叙曾氏得姓不真况其他乎庸以是復諸貳令貳令佐邑九載惠愛在人尚宜益慎身脩以綿善慶之澤于無窮也歟

張氏族譜序

予友張君運生既沒之五年其孤砥奉其父存日所著族譜丐言弁其首憶予曩歲讀書田里與吾運生談論道藝為最久間嘗語及譜謀運生憮然曰吾家得姓始自黃帝之孫為弓正因以張為氏先君子元季繇溫之平易游學來吳遂居是邑先君子棄諸孤

日其始垂髫故大父而上名字隱顯率罔聞知嘗讀
史傳吾宗自受姓代有聞人若留侯之輔漢釋之之
治獄安世之七葉珥貂文紀之理輪都道以至復唐
黜武死節睢陽與夫近世橫渠南軒之道學德業是
皆他姓所未有者吾豈不能扳附援引以誇耀流俗
哉然吾聞之譜所以叙世次辨昭穆有而失書謂之
忽無而冒書謂之誣吾豈敢上誣吾先哉吾自有知
即訪舊鄉宗譜然族人多為方氏殘毀遷播弗存苟
終無所得則當錄吾先君子為始祖以示子孫俾嗣
書而已予每聞其言未嘗不嘆其識見之卓而亦憫

其志之可悲也豈意吾運生竟賡斯志而沒乎運生
之先君子則明先生洪武初以易經中第官至臨江
府同知運生嘗求予序其遺文曰永嘉集者行于世
運生隱居教授年逾六十考終于家今砥又克嗣先
世開門授徒為後進楷式詩書禮義之澤奕世弗替
豈不深可尚哉雖然昔者豫章太史黃先生嘗題其
族兄成之族譜有曰名塞四海世有人諸兒莫斷讀
書種又曰曾次詩書要不忘男兒邂逅起耕釣予與
運生實斯文異姓昆弟庸謹書其平昔之言以及太
史之語冠于譜首張氏子孫尚允念哉

卷三
關中王氏族譜序

吾郡通判王儀孟威手其所脩族譜謁予求顯閱其譜則以元初統兵能賢為始統兵生高祖潤之潤之生元眉縣尉允中尉生大考靈臺邑丞遵道丞生庸即儀之考君也至儀為六世予於是知通判才識超山恒衆人矣夫自古昔聖人因生賜姓胙之土而命之氏厥後受姓氏者不一推原其始孰非神明之胄哉世變既夥氏族之書掌于官者已亡士夫君子乃家自為譜以紀世系其於篤倫紀崇孝弟之意至矣柰何士習自卑膚淺小子扳援前代名卿碩士竊以已之宗祖為其孫子殊不思無實而妄書謂之誣有實而弗書謂之忽其為不孝均矣昔者考亭先生叙朱氏世譜有曰唐天祐中陶雅刺歙以吾始祖茶院制置府君領兵戍之卒葬連子孫因家焉夫以先生之德之學而其譜以唐末茶院為始者重其實也通判之始祖能賢之戍關中實宋寧宗嘉泰十五年蒙古太祖鉄木真命木華黎徇金地得入關中而命兵據守之日也距今二百載以世數計之至儀為六世得其實矣通判又言吾鄉前脩彫謝知脩譜者甚鮮嗚呼傳不云乎一家仁一國興仁關中古雍州地

地大人衆王氏譜成非獨子姓族屬興起崇孝弟篤
倫紀之心而凡鄉鄙遠近聞之必求取法將見關中
民俗繇是而日厚矣予耄眊杜門待盡感通府請之
勤勤乃力疾書其譜之端

重刻思菴先生文粹卷之三終

思菴先生文粹卷之四

序

孫監察御史淳編

後學范來賢重刻

靜學齋集序

靜學齋集者故承德郎太醫院判贈奉議大夫太醫
院使謚恭靖蔣先生之所作其胤子院判主善之所
輯也先生之先以儒醫鳴父櫟軒以春秋擢進士第
歷宦南北先生夙侍嚴訓六歲能賦詩年十五失怙
奉母結屋龍潭山中劬躬績學力貧以為養母沒年

踰四十始應儒醫薦擢職醫院公退手不釋卷魁人
鉅公過從倡和無虛日一時稱文章家者必及先生
而先生不自以為至也嘗曰古昔為學以德為主其
形於言詞皆涵煦和順之發後人唯以葩藻為務奔
放則和平弗足雕琢則靡麗過度苦澁俛誕塵冗淺
促率由德之弗足然爾故先生之作本之以性情藝
之以問學清而弗刻逸而弗肆出言不煩而興寄深
遠至今士林靡不喜聞而樂誦之也某也蚤居田里
晚幸親依獲聞德輔之論易簣之際重以後事見屬
故今生善之輯是編因以序文為請嗚呼某之蕪陋
豈足以知先生而先生之所至亦豈專在文詞哉先
生際逢盛時昭受寵眷始終垂三十載既沒有贈謚
之誥諭祭之文又有學士大夫碑傳哀挽其於焯
德昭行至矣欲知先生者尚其攷諸

分題送別詩序

永樂癸卯春正月劉君原博受尊翁院判公命自今
京師還南都省其母夫人靜學蔣先生分題賦詩贈
其行曰金臺古蹟曰董園遺址曰武城絃歌曰匡山
秀色曰歌風古刻曰鍾山瑞氣凡六題先生之言曰
予家金陵鍾山東鍾山龍蟠氣鬱鬱葱葱實國朝

億萬年肇基之地昔嘗乘驛舟渡江絕淮登泗亭觀
歌風碑詞翰竒邃激烈真所謂王侯之章者暨入濟
水遠瞻丘丘山紫翠秀出霄漢表吾夫子功德彼萬
世斯實啓聖之徵越數日過武城下想當時絃誦之
聲莞爾之笑益使人寤寐千載有不能已者已而道
出廣川父老告以漢董生墓園尚在尤不勝仰止迨
入都城公務餘考圖經惟黃金招賢臺至今名最著
原博善詩嗜學必有同予之情者予以是書千首簡
予惟昔人行役有紀行之篇近時送別有分題之贈
卷中諸題率雄偉特絕誠天壤間竒觀唯董園遺址
鞠在荒郊灌莽中嘗味其言論蓋其德性醇厚學有
淵源故坑焚後獨首發性理之秘推明斯道大原所
出不謀計功利之私當時曲學阿世與溺志詞章者
詎可同日語先生取配丘山武城並稱在原博誠當
察識而勉焉者也若然則先生之所贈原博之受所
贈不虛矣詩自先生而下賦者六人昔三百篇中有
姬公之詩其序則儒者謂卜商所作予不佞承先生
之教不可辭敢僭取斯義以為序

蒿菴詩卷後序

伊蒿者嚴志道之自號其曰蒿菴者又其齋扁之名

也志道家蘇郡崑山後徙常之江陰以二親弗逮養
劉蓼莪詩人語以自貶自責以自寓深悲極慕之情
卷中記若序則洪武庚戌進士泉州別駕馬英德華
江陰教諭朱遲掖叔服所撰長歌及銘則國初進士
侍儀使周渠仲方今山東叅知政事改民時舉之製
也德華仲方永樂初治水蘇常間叔服典教席時舉
登第後待次皆與志道為文字友然寔志道未仕時
也卷後翰林張先生宗海跋暨名士諸詩雖非作於
一時然皆志道已仕後也志道彙粹廿載聯成巨軸
屬序其後抑嘗觀世之好事者多揭美名以扁居室
善文詞者率為靡麗之語以張之迨其子若孫則有
視同弁髦資為清玩者焉卷中諸作發敷規勉有關
世教志道清脩勤慎移孝為忠自秋官主事遷正理
寺操履之潔形於宸章貶封二親光賁泉壤仲方
所謂取封贈榮幽宮德華所謂循渠度以大明闕者
驗之矣至若叔服所謂不孝不友當深惡痛絕之時
舉謂世人親存不能愛敬視之禽獸弗若宗海為勉
修人紀為後日之聞人者此固志道所能戒而寔後
人所當知也志道有子肅雍顯孫曾繩繩予自布衣
托交三十年志道年踰六表予亦日就衰朽故特序

此卷末庶其後人寶之重之弗致視同弁髦清玩而已

永嘉集序

海虞自言叔氏北遊聖門名著四科故代稱為文學里元至正中永嘉張先生暨昆陽鉅儒鄭東季明鄭采季亮避地來居同以經術文詞鳴於是吾邑文學益盛于一時矣

天朝底定九有洪武庚戌肇設科舉以取士時二鄭既沒先生以易經起家與邑人鄒立誠九思黃著昭夫唐溥彥博偕中鄉闈而先生名在前列授膚施令陞臨江別駕以終予生後弗克親接緒論蚤歲即交先生胤子規運生得覩遺藁而私淑之先生之學根柢六經旁及子史羣書故理明氣昌為文紆徐曲折或約或豐而動合矩度至其發於聲詩亦克備兼衆體或雅贍而春容或流麗而俊逸賦景寫情曲盡其妙故予每獲誦之未嘗不深歎而敬服也今年祇命出按江浙運生彙次成集屬為序引憶昔讀書田里嘗訪鄉之前言徃行庸致景仰之私若鄭之昆季及鄒黃唐氏家多泯絕無聞獨先生克有賢子保藏遺稿自非積德之深詎能然哉先生之沒運生時始

垂髫迨今年踰六袞隱居教授子孫誥誥世守先業
故予重其請輒叙卷端使讀者既知先生之學之微
而又知其德澤有以垂裕厥後也先生名著字則明
履歷之詳具載同年進士廬陵周桀仲方所為傳茲
弗贅

壽慶堂詩序

宣德丁未秋予分按江浙道經鄉郡過姻戚秦氏王
齋翁龐眉皓首率子孫迎入會其胤公遠以二親偕
老築堂所居之東以為娛侍之所予乃為名曰壽慶
鄉先生翰林張公為之記大夫士多為歌詩美之公
遠復以序為請嗚呼壽者五福之首人所同欲慶則
善積之應也若昔君子之制祝辭既曰黃者無疆又
必曰受天之慶者蓋以生人之克壽寔繇天錫之慶
而然夫天之於人豈不欲其皆躋躋壽域哉惟其智
愚弗同故有梏於形氣誘於物欲以喪其固有之善
凡飲食男女衣服宮室之類所資以養其生者反皆
有以戕其生繇是自絕于天則所謂壽慶者遂為短
折之歸爾今吾王齋翁偕其伉儷年並大耄子婦孫
甥羅侍膝下謂非善積之慶能然乎是宜大夫君子
聞而形于歌詠也雖然壽錫于天善積于已公遠昆

季誠能力本為善益綿先世之澤將見天錫壽慶者
益遠益隆斯堂之上子子孫孫子奉其親者必能世
引之而弗替矣公遠內予予之女弟故特為推原壽
慶之本以弁卷端

送侍講學士沈公還華亭序

皇帝紹膺景命作億兆主踰年改元肇舉告始之典
以昭事 郊廟懷柔百神禮成式覃大慶于天下群
臣在廷者悉馳封爵以榮及其親侍講學士沈公度
得贈其考為奉直大夫協正庶尹翰林侍講學士妣
為宜人復賜楮幣給驛舟俾歸華亭致焚黃之禮予

惟德厚者其流澤廣公以先君子苦節先生砥行迪
德雖艱窶奔播一以忠孝自勵故雖不躬榮祿而後
人卒食其報迺今 龍光寵賁所以發歆潛德者為
何如哉雖然予竊有感焉華亭東南沃壤當元末造
以武斷奢靡雄于鄉者殆不可一二數然其後率多
泯泯無聞今公父子昆季克承遺德並列華要榮捧
綸綍歸祀丘隴鄉邦父老豈無觀感興起以改行樹
德而子弟中又豈無争相刮劘績學以圖顯歆於其
親者乎是則公之歸非獨鄉邦之榮而亦父老子弟
改行績學之勸也予世家東南與華亭密迩公歸有

來謁者幸以予文眎之

贈脩撰王君孟堅序

予曩因鄉友楊君孟舒獲交孟堅王君于京師孟堅年甫壯以國子上舍中甲科擢翰林國史編脩官端慎凝重予每見之未嘗不愧且敬也後數年孟堅陞行在脩撰而予旅食于茲骯髒腐拙弗諧於人人孟堅復不鄙而益相過從焉今年孟堅領勅命封贈二親且荐受金幣賜告歸省由是交孟堅者莫不榮其歸而重其別也予惟隆古之世君臣同德上以禮行其下下以義事其上禮義之至薰為太和我

國家稽古圖治推恩幽顯所以章賢德廣褒勸者至矣孟堅夙喪所天賴慈親撫教式克至于今日今茲歸也榮捧綸綽告祀丘隴山川草木罔不賁若於是烹鮮擊肥躬率婦子捧觴稱壽太安人冠帔雍容晏坐堂上子姓族屬暨鄉閭父兄子弟更拜迭賀予知孟堅愛日之情侍旁之樂為何如哉雖然予竊有望焉方今

聖皇嗣統當盈成之運制治保邦興教崇化政賴端慎凝重之賢以輔之是則孟堅之歸固不宜遲遲而來也予骯髒腐拙雖弗諧於人人然於孟堅別不可

無言也於是乎書

送僉事商君之官浙憲序

聖朝疆理之廣超軼古昔自兩京畿輔外肇置十有四道道設都司布政司以綜轄衛所郡邑復慮其弗克衽承 德意而為軍民病也又立憲司以監臨之允軍民衆職之中有戾法而病衆者大則許其糾聞小則聽其裁斷故其任最重而人以為榮焉歲之十月湖廣道監察御史商君盤九載考最陞僉浙江按察司事寅友四明劉惟芳等相率祖餞屬為文以贈予惟商君古舒望族蚤歲從游庠序克貢成均其

其積學有素矣暨任六察巡行山東湖湘間綽著能聲其諳練又有素矣今馬山僉浙憲其克宣布

德威以盡厥職也必矣雖然浙江東南大藩地方幾千里統郡一衛所二十醮官驛稅諸司又不啻數百官吏賢不寧能盡察乎帶甲數萬士農商賈生齒又不啻百萬口休戚利病寧能盡知乎檢邪舞文豪強梗化又豈能盡去之乎司之同官有正有佐有幕僚性行識見又豈無牴牾異同者乎商君往焉誠能推平昔所聞於師友者孜孜焉式戒式慎庶以律乎已誠以待乎人持之以至公行之以無怠將見同寅協

恭百壬歛迹數千里軍民咸得欣欣安業以樂太平之盛若然則僚友之間豈不與有榮乎予與商君有交承之好又重惟芳之請故不辭而取古人贈言之義以為序

送袁孝友之官浙江序

國朝建官制治文武並用以維持內外救寧兆庶故幾甸之外肇置十有四道道設都指揮司以綜轄衛所夕城險隘負山傍海之地衛若所帥兵守圉以鎮之允 朝廷彌令文移與夫軍馬器械糧餉刑獄之務都司悉提其綱董其成故其任至重而資文儒以贊其畫諾焉暨易袁君孝友由冬官郎中調浙江都司經歷鄉邑宦游士友咸以孝友蚤失所怙克劬躬績學故能得雋鄉闈出贊大邑已而擢佐冬官陞長郎署敷歷中外者有年矣今焉出典戒幕寧無介然于中耶予獨以為不然夫儒者之學以明體適用為主本其未用也則脩德砥行以績其學其以用也則隨所任以行其學曷計秩之崇痺職之內外哉昔唐韋處厚自考功郎出刺盛山人皆謂考功顯曹盛山僻郡為非所宜昌黎韓子獨以為得利則躍躍以喜不利則戚戚以泣者豈儒者哉處厚儒者豈不快於

考功盛山一出入息之間哉其後處厚果自盛山召
入卒為宰相以功業顯著方今

聖明統御信賞必罰浙江大藩為東南都會豈盛山
小邑可疑哉孝友誠能以昌黎之言自勉以處厚之
功業自期恭以事其長仁以接其下守之以廉持之
以誠將見主賓相得志意交孚俾一道牧寧軍民一
業他日政成還朝揚芳邁烈行見之矣

贈邑令季復春之官寧海序

聖天子紹隆景運作億兆主重推安民之道莫切
守令制詔臣僚各舉所知以膺斯任吾郡季復春

氏起自謫籍擢知台郡寧海縣將之官鄉郡宦游君
子徵言為贈予惟天生烝民作之君師以受教養之
寄守令者受上之命以分其寄也守得其人則一
郡受其福令非其人則一邑受其殃蓋令與民尤近
也昔者昌黎韓先生贈崔復州有曰幽遠小民能自
直於鄉里之長者鮮矣况能自直於縣吏乎柳子厚
送薛存義令零陵引傭於人受若直怠若事又盜若
貨財者為比為戒迨令照耀簡冊而復州存義之名
耿耿弗泯近世士習弗古凡贈行叙別率皆揚其材
能張其履歷術其門地以求誇耀于庸人孺子視古

昔贈言之義何如哉况復春財識之明諳練之久予
寧不以古入之道望之哉故特推本
皇家擇賢以寄教養與夫先正之言以為復春贈復
春勉乎哉他日浙河之東聞治邑以循良稱者其在
復春乎其在復春乎

贈江陰邑令朱君應祖序

予嘗讀漢史至朱邑傳觀其作吏桐鄉生則民愛戴
之沒則民奉祀之真若赤子之於父母迄久而心弗
少變是果何修何為而致然哉亦惟克盡其誠而已
吁何後之為吏者弗能若是耶予鄉之北有邑曰江
陰土田沃衍民俗淳樸蓋自昔然已十數年來日益
偷薄富者弗安其有貧弱者無遂其生是雖氣習弗
古若亦繇長民者弗能盡誠以治之也歲之二月予
侍 朝退寓直廬適銓曹揭選榜於 鳳闕之左獲
覩朱君應祖擢知江陰縣事予舊識朱君知其久歷
風憲實老成篤厚君子予於是心喜鄰邑之得賢令
也越翌日朱君俶裝屈行寺正嚴志道求文以贈傳
曰君子之德風小人之德草今之人豈異古之人哉
朱君往矣苟能竭盡其誠抑其強扶其弱庶勤以自
持慈愛以撫下將見江陰之民富者安貧者遂其仰

慕之心豈異赤子之於父母哉又豈有異桐鄉之於朱邑哉朱君往矣政聲之來洗耳以聽

送本初周君謝事歸吳序

聖天子紹膺 景命衽率 舊章凡中外臣僚年七十者許致其事其年未及有以疾告者亦憫勞以政而聽其歸 恩至渥也歲之九月文思院使周君本初以老病得 請南還縉紳之士合詩歌為贈而以首簡見授予竊惟士生兩間砥行礪學當彊盛時孰不欲出為世用以展其蘊哉迨夫血氣旣衰疾日凌又孰不欲歸老以就休息哉然世之得是者恒鮮矣本初自踰冠舉于鄉歷官中外奉使遐壤險夷蓐更者垂四十年迺今年踰六十克遂休老優游而歸無愧無忤其樂何如哉昔人謂中世士大夫以官為家罷則無所為歸本初家在中吳其歸也有室以居有田以養有子孫以給頤使起居無時惟適之安其樂又何如哉雖然古者坐閭塾朝夕教子弟曰父師少師者率皆仕焉而已者為之中吳稱文獻之邦蓋自昔然已比年父兄子弟蓋有弗教而弗學者焉本初之歸誠能推平昔砥礪其躬者以淑之俾後生小子薰蒸而成就則人材輩出足為

邦家之光者行見之矣本初過吳城訪文度尤先生
幸為我謝焉

贈司副鄭雍言序

宣德初元秋余友行人司副鄭君雍言承 恩歸省
先墓明年二月取道錢塘買舟還京師予時按部江
浙相會於分院中雍言以予相知有素也徵言為別
予聞雍言代以儒名于鄞先君子安分先生由邑庠
司訓陞教藩邸秉德持義一介弗苟取身歿之日家
無留貲諸孤孱孱唯雍言最幼已而伯兄叨受教養
雍言即自砥礪甫冠開門授徒夜則篝燈自課如是
者幾載遂擢上第拜中書舍人伯兄亦起身胄監陞長
祠曹金輝玉映馳爵先世繇是知先生者莫不以為
天道可徵而儒者有後矣雖然天道難謀莫可得而
致必使雍言當孤寡時弗克自砥礪一為流俗所誘
其不失身為商賈賤藝者幾希矣故予於雍言之別
特書是為贈者蓋非獨使人知吾雍言克繼先德而
又欲使世之為人後者讀予文知所自勵也若夫恪
圖報稱以盡顯敷之實雍言其必有以自勉也夫

送郎中王公歸越序

稽陰王氏世以善慶覆燾厥胤迨宋平章軍國重事

燭以清德勁節致位宰相自後衣冠蟬聯族屬益繁
碩入我 國朝克繩祖武榮躋膺仕若刑部郎中處
善公者亦可謂無忝厥宗焉初公之先處士隱居新
昌不求聞達唯以善自飭公夙承嚴訓績學庠序既
克貢成均材器益宏廓自是出掌戎幕入令赤縣雖
劇治繁劇日不暇給而中心惓惓日恒以善自勵已
而因事註誤凡知公者罔不為之咨嗟歎惜未幾晉
膺 恩寵陞長郎署繇是知公者又莫不為之欣躍
而益信夫天之克祐善人也茲焉榮受 綸誥贈其
先處士曰奉議大夫刑部郎中妣曰宜人復賜金幣

歸營焚黃之禮

龍光下燭山川草木罔不賁若繇

是知公者又莫不喑喑歎賞以為善慶之卒食其報
也昔人有云公侯之子孫必復其始憶予曩歲嘗題
王氏族譜知其積累非一世郎中公敦厚老成際遇
盛時致身通顯誠能益加砥慎以綿善慶之澤則他
日晉陞爵秩以貤封先世者弗至於孤卿弗止

送謝仲廉之官太蠻序

予友謝君仲廉由監察御史調太蠻縣令太蠻為交
趾屬邑去景師踰萬里仲廉趣裝扁行告別於僚友
曰

聖明統御凡日月所照之地罔不浹被聲教瑤蚤綴
科第即歷官于朝恒思弗克諳歷世故以隳職業茲
承 恩命敢不夙夜脩省以勉圖報補聞者無不違
其言而嘉其志也予惟古今雋偉翹特之才天恒抑
沮頓挫之俾其動心忍性增益所未能者匪有他哉
蓋欲老其材廓其器以為大任之地爾不觀金之出
於鑛也非煉之鍛之淬之礪之無以成其良玉之蘊
夫璞也非追鑿之雕琢之又曷能就其美哉故考亭
朱子有云福澤奉於我而使吾為善也輕憂患拂于
我而使吾為善也力仲廉蚤游庠序甫冠即哀然為
鉅學也予之教有年矣宜其出官萬里而

言之若是也仲廉往矣昔宋元城劉先生垂老居瘴
海而神觀愈強况今風氣丕變雖窮山僻島與中州
等仲廉往矣慎調攝謹思慮挹江山之秀以恢廓其
心志他日政成還朝揚芳邁烈表表焉若良金美玉
者合仲廉其誰歸

送許有敬歸宜興序

許為宜興著姓入 國朝有曰有謙者讀書庠序有
聲場屋間釋褐授官敎歷華要居兩京凡幾載其叔
氏曰有敬者歲來省兄必一二至至必留幾月聯床

笑語怡怡愉愉大夫士見之未嘗不羨其天倫之樂也迨後有謙坐累解職有敬服勤奉事雖艱闕奔播得兄側弗捨去者又幾載士大夫聞之益羨有敬之賢而幸有謙之有弟也今年春有謙起自謫籍拜監察御史歲之五月命有敬南歸展祀丘隴僚友相與徵言為贈嗚呼大道之行天下為公貴富相同患難相共者朋友皆然况兄弟乎然嘗讀葛鼎之詩有終遠兄弟之嘆林杜之詩有獨行踽踽之怨以文武成康之後流俗至於如此况後世乎是則今日有謙兄弟之行大夫士寧不喜聞而樂道哉雖然予家中吳有謙家昆陵相去無十舍遠寔三讓遜跡之邦季子食采之邑流風餘韻豈無存者有敬之歸鄉邑子弟寧無觀感興起而益敦友悌之行者乎詩曰兄弟既翕和樂且歙又曰凡今之人莫如兄弟有敬歸有來謁者宜以是告之

何子文字序

宋北山何先生傳考亭之學於勉齋黃氏著書立言有功聖道裔孫運使子文年幾七十而耆學弗倦間以祭酒胡公所製字說見視且徵予言嗚呼是不既備乎哉雖然昔者嘗聞之文者道之顯也日月之運

行風霆之鼓動天之文也山嶽之鎮峙河海之融洩地之文也父子之親君臣之義夫婦之別長幼朋友之序與信人之文也人文者聖人盡之賢者明之天地繇是以位萬物繇是以育三皇五帝之道統立乎此也夏商文武之治道成乎此也仲尼顏魯思孟之道德得乎此也聖人既沒其文具著六經是故原陰陽明卜筮易之文也叙因革紀政事書之文也陳正變理情性詩之文也討亂誅僭明道正誼春秋之文也辨上下之分通天地之和禮與樂之文也是文也所謂為天也

聖賢既遠學者徒孜孜矻矻專驚詞章記誦為文而文日弊焉嗚呼斯文之在天壤間千古猶一日究其要不出五典之教推其用則凡見乎威儀言辭形於禮樂刑政者豈有外乎是文哉學者無志乎文則已苟有志焉舍六經之文無以議為也運使君承文獻之裔際時休明身致融顯而克勤好問老而彌篤予也自彊弗力學弗加進然與君相知非一日故不得辭而敬誦所聞以為後序

贈進士沈希哲序

宣德癸丑春三月 車駕在北京 廷試進士得狀

元曹鼐而下凡百人悉 賜及第出身有差 息至
渥也蘇之常熟儒生沈讓希哲程式以則同日聯登
高第予在南都聞之私竊賞嘆以為鄉邑之榮焉後
數月希哲以書寄予陳述 德意且曰近獲觀政春
官公務清簡因得燻温故業予聞之又 不覺深為之
喜也夫自進士設科歷代循行已久我 國家興圖
之廣環天下幾二千邑三歲賓興多士雲合暨中春
闈以入奉 大對者僅百人而止今吾邑一舉而得
進士二人其為鄉里之榮為何如哉然予嘗觀歷代
科名錄唯唐宋為盛求其功名事業克著當時而傳
後世者千百而一二也原厥所自蓋繇人之學識有
限而職任無窮黼黻 皇猷雄辭大冊之當習也論
思獻納嘉謨忠言之當講也禮樂制度所當攷刑政
貢賦所當究民情物理所當知以至錢穀甲兵營繕
征役與夫遐方外壤之沿革源委靡不各當探討其
極是豈科場之習所能盡哉古昔名世之士既擢第
得祿又必孜孜以砥清心經史以深求其是非得失
之故一旦晉當大任則無施不達而名留後世矣方
今

聖人在上勵精圖治希哲以英妙之年叨承 恩寵

今茲觀政既獲日覲 虞廷親接 神化退又得事
公卿大夫之賢者與聞施設注措之盛其克變化舊
習以克拓器識也必矣誠能弗自滿假益親經史益
廣問學夙夜求其所未至增益其所未能則他日政成
名立又何古人之不可及哉予與希哲有鄉曲之舊弗
克致愛助之意適故人予寶慶通判連恭伯莊徵言
為希哲贈予因舉是為告希哲勉焉倘會程君望亦
以是告之

送呂少卿序

大理貳卿呂君升常以年滿七十得 請歸越兩京

大夫士多作文詩以餞之大篇短章聯卷累軸凡所
以形容

聖天子惠待老臣之意與夫君之闕閱履歷靡不備
載誠一時之盛事也予惟古今人同不同未可知自
漢迄今幾二千載公卿庶士引年以歸者殆不可數
計然唯疏公仲翁揚公巨源耿耿在人耳目何哉蓋
繇孟堅退之之文而傳也孟堅作史載仲翁德言寔
足以垂誠萬世若退之之序則不過引仲翁事以榮
其歸爾然巨源之名亦克籍是以傳者豈非立言之
善而然歟今吾升常以列卿辭祿承 恩歸老比於

二公同不多讓然不知今日餞送之文有能如退之
之垂世歟又不知他日太史氏克傳其事歟古今人
同不同實未易知也雖然仲翁之歸厥胤乃欲及其
身存市田宅為後計巨源之沒其後嗣亦終無顯者
今吾升常有子公愿蚤領鄉薦克繼家學君歸誠善
教之俾家聲益振而無墜者其在是歟其在是歟

贈司訓熊元符序

懷寧縣儒學司訓熊君元符故贈資善大夫都察院
右都御史西澗先生之季子今行在都憲公之母弟
也元符自幼漸濡父兄之教以治春秋有聲今年膺

薦入京恩授前職將之官告別于兄之僚友且莖莖
焉冀求忠告為助繇是交都憲者罔不偉元符之志
而又喜公之有弟也相率為詩章贈之而以首簡見
授予惟郡邑師儒之官人才風俗所繫其任為至重
我國家初定九有即建學立師凡學之政既銓授
教官以綜之復命郡邑得自辟舉訓導以分教之厥
後其選益重凡舉訓職悉上送官翰林程試合格而
後廷授以職今吾元符一舉獲中斯選是非夙承
家學之懿其能然乎元符徃焉雖然寒糴冷硯非澹
泊弗能安毓才範俗非勤慎弗能稱世之職是者率

多厭靜嗟卓羨榮慕侈以致名污身辱得罪清議者
有焉方今

聖人在上用儒致治就今贈言諸君子觀之若大宗
伯張公通政陳公太常魏公吏部余公率皆起自學
職致身廊廟之上元符徃矣固澹泊以自安篤勤慎
以自勵他日揚芳邁烈豈可量哉元符勉焉

重刻思菴先生文粹卷之四終

